

ЎЗБЕКИСТОН РЕСПУБЛИКАСИ НОМИДАН
ҲАЛ ҚИЛУВ ҚАРОРИ

2021 йил июнь ойининг 2 кунини Ўзбекистон Республикаси Олий судининг маъмурий ишлар бўйича судлов ҳайъати:

раислик қилувчи Д.Бобоноров,

ҳайъат аъзолари М.Абабакиров ва М.Эшимбетовдан иборат таркибда, Ж.Ҳақимовнинг котиблигида, “ТОГ`LAR” МЧЖ вакили З.Умаров, Ўзбекистон Республикаси Давлат божхона қўмитаси вакиллари Н.Косимов, Д.Исроилхонов, Ўзбекистон Республикаси Адлия вазирлиги идоравий норматив-ҳуқуқий ҳужжатларни давлат рўйхатидан ўтказиш бошқармаси бош маслаҳатчиси А.Бердаков иштирокида аризачи “ТОГ`LAR” МЧЖнинг Ўзбекистон Республикаси Давлат божхона қўмитасининг 2019 йил 26 декабрдаги 01-02/15-71-сонли қарорини (Ўзбекистон Республикаси Адлия вазирлиги томонидан 2020 йил 10 февралда 3220-сон билан рўйхатга олинган) ҳақиқий эмас деб топиш тўғрисидаги аризаси бўйича қўзғатилган маъмурий иш ҳужжатларини Олий суд биносидан очик суд мажлисида текшириб чиқиб, қуйидагиларни

а н и қ л а д и:

- Аризачи “ТОГ`LAR” МЧЖ жавобгарлар Ўзбекистон Республикаси Давлат божхона қўмитаси ва Ўзбекистон Республикаси Адлия вазирлигига нисбатан маъмурий судга ариза билан мурожаат қилиб, Ўзбекистон Республикаси Давлат божхона қўмитасининг 2019 йил 26 декабрдаги “Божхона юк декларациясини ўзгартириш, унга қўшимча киритиш, уни қайта расмийлаштириш, қайтариб олиш ва бекор қилиш тартиби тўғрисидаги низомни тасдиқлаш ҳақида”ги 01-02/15-71-сонли қарорини (Ўзбекистон Республикаси Адлия вазирлиги томонидан 2020 йил 10 февралда 3220-сон билан рўйхатга олинган) ҳақиқий эмас деб топишни сўраган.

Ўзбекистон Республикаси Давлат божхона қўмитаси вакили Н.Косимов томонидан ариза юзасидан билдирилган ёзма фикрда аризани қаноатлантиришни рад этиш сўралган.

Суд мажлисида “ТОГ`LAR” МЧЖ вакили З.Умаров аризани қувватлаб, Давлат божхона қўмитасининг “Божхона юк декларациясини ўзгартириш, унга қўшимча киритиш, уни қайта расмийлаштириш, қайтариб олиш ва бекор қилиш тартиби тўғрисидаги низомни тасдиқлаш ҳақида”ги 2019 йил 26 декабрдаги 01-02/15-71-сонли қарори “Маъмурий тартиб-таомиллар тўғрисида”ги қонунга мувофиқ эмаслигини билдириб, уни ҳақиқий эмас деб топишни сўради.

Ўзбекистон Республикаси Давлат божхона қўмитаси вакиллари Н.Косимов, Ж.Исомуродов ариза юзасидан ўз эътирозларини билдириб, аризачи низолашаётган қарор қонун ҳужжатларига мослигини, Божхона кодексига мувофиқлигини билдириб, аризани қаноатлантиришни рад этишни сўради.

Ўзбекистон Республикаси Адлия вазирлиги идоравий норматив-ҳуқуқий ҳужжатларни давлат рўйхатидан ўтказиш бошқармаси бош маслаҳатчиси А.Бердаков низодаги қарорни “Маъмурий тартиб-таомиллар тўғрисида”ги Қонуни билан боғлаш керак эмаслигини, қарор қонун ҳужжатларига мувофиқлигини баён этиб, аризани қаноатлантиришни рад этишни сўради.

Судлов ҳайъати ишда иштирок этувчи шахслар вакилларининг тушунтиришини тинглаб, ариза ва ёзма фикрда келтирилган вақтларни муҳокама қилиб, ишдаги ҳужжатларни ўрганиб чиқиб, қуйидаги асосларга кўра, аризани қаноатлантиришни рад этишни лозим топади.

Божхона кодексининг 255-моддасига кўра, божхона назорати мақсадлари учун зарур бўлган маълумотлар кўрсатилган ҳужжат божхона декларациясидир. Божхона декларациясида кўрсатилиши керак бўлган маълумотларнинг рўйхати божхона тўловларини ҳисоблаб чиқариш ва ундириш, божхона статистикасини шакллантириш ва божхона тўғрисидаги қонун ҳужжатларини қўллаш мақсади учун зарур маълумотлар билангина чекланади.

Ушбу Кодекснинг 258-моддаси мазмунига кўра, божхона тўловлари турларига, божхона божи, қўшилган қиймат солиғи, акциз солиғи, божхона йиғимлари киради.

Солиқ кодекси 28-моддасининг биринчи қисмига кўра, божхона органлари товарларни ва автотранспорт воситаларини Ўзбекистон Республикасининг божхона чегараси орқали олиб ўтиш чоғида божхона тўғрисидаги қонун ҳужжатларига, ушбу Кодексга ва бошқа қонун ҳужжатларига мувофиқ солиқлар ва йиғимларни ундириш бўйича ҳуқуқлардан фойдаланади ҳамда вазифаларни бажаради.

Демак, Божхона кодексининг 255, 258-моддаларига ҳамда Солиқ кодексининг 28-моддасига кўра, божхона декларацияси божхона тўловларини ҳисоблаб чиқариш ва ундириш мақсадида тузилади ҳамда бу тўловлар ўз навбатида солиқлар ва бошқа мажбурий тўловлар бўлиб ҳисобланади.

Ўзбекистон Республикаси “Маъмурий тартиб-таомиллар тўғрисида”ги қонуни 3-моддасининг иккинчи қисмига кўра, ушбу Қонун солиқлар ва бошқа мажбурий тўловларни ундириш, ... билан боғлиқ бўлган бошқа фаолият соҳасида юзага келадиган муносабатларга нисбатан татбиқ этилмайди.

Шунга кўра, аризачининг Ўзбекистон Республикаси Давлат божхона қўмитасининг 2019 йил 26 декабрдаги “Божхона юк декларациясини ўзгартириш, унга қўшимча киритиш, уни қайта расмийлаштириш, қайтариб олиш ва бекор қилиш тартиби тўғрисидаги низомни тасдиқлаш ҳақида”ги 01-02/15-71-сонли қарори (Ўзбекистон Республикаси Адлия вазирлиги томонидан 2020 йил 10 февралда 3220-сон билан рўйхатга олинган) Ўзбекистон Республикаси “Маъмурий тартиб-таомиллар тўғрисида”ги қонунга зидлиги сабабли уни ҳақиқий эмас деб топиш ҳақидаги вақтлари асоссиз.

Аризачи ҳақиқий эмас деб топишни сўраётган қарор Божхона кодекси 266-моддасининг учинчи қисми талаблари асосида ишлаб чиқилган бўлиб, унга кўра, божхона юк декларацияларига ўзгартиришлар, қўшимчалар киритиш, уларни қайтариб олиш, қайта расмийлаштириш ва бекор қилиш

